

## LARRAMENDI-RI.\*

IKUSKERA <sup>1</sup> BAT.

«Baña begira guzien gañez  
Larramendiren kopeta.»  
A. ARANA-K.

Gabak zabaltzen zuen lurrean  
Bere mantua;  
Mendarteetatik goratutzen zan  
Arrats-lañua;  
Bere kabira, lotara joaten  
Zan chorichua;  
Gelditutzen zan isill-isillik  
Sortitz osua.

Gau ederra zan: udaberriko  
Gau osgarbiya;  
Tzar ederrez jantzirik zegoen  
Zeru guztiya;  
Eta sartaize <sup>2</sup> bigunchoaren  
Surmur eztiya  
Sentitutzen zan, mugirik lore  
Jayo-berriya.

Isillik pill-pill egiten zuten  
Iturchuloak;  
Isill isillik mugitzen ziran  
Zuait-ostoa;  
Isill-isillik, oro-bat zeuden  
Chara-basoak;  
¡Gauza guztiyak zeuden iñolaz,  
Arturik loak!

Baña bat baten, arrats-lañoak  
Urraturikan,  
Izar sutsuen distiadura<sup>3</sup>  
Mendeturikan,  
Argitasun bat gora irten zan  
Andoaindikan,  
Buruntzapean dagoen ibar  
Ederretikan.

(\*) Composicion premiada con UN OBJETO DE ARTE en los Juegos florales Celebrados en esta Ciudad en 1884. (V. pág. 146 del tomo XII).

(1) Vision.— (2) Céforo.— (3) Resplandor.

Ura zan Aita Larramendiren  
 Itzal argiya,  
 Zijoalarik egaan, artzera  
 Bere sariya,  
 Bere lan eta birtuteakin  
 Irabaziya,  
 Lurrean izan zituen pénen  
 Ordaingarriya.

¡Nola zijoan tokarte <sup>1</sup> dának  
 Igarorikan,  
 Argi-iturriyak zerraizkiola  
 Kopetatikan,  
 Eguzkiyaren eran dizdizak  
 Zabaldurikan,  
 Begiratutzen zuten guztiyak  
 Itsuturikan!

Lilluraturik gelditu ziran  
 Nere begiyak,  
 Ikusitzean Larramendiren  
 Dizdiz biziya:  
 Eta banindu bezela bota  
 Chimist sutiya  
 Lurra jo nuen, galdurik indar  
 Guzti-guztiyak.

Laster gañean sentitu nuen  
 Aize gozoa,  
 Zirudiyena Paradisuan  
 Sortutakoa.  
 ¡Añ zan likurta <sup>2</sup> miragarrizkoz  
 Betetakoa!  
 ¡Ainbat indartu zidan arima  
 Triste gaisoa!

Eta beragaz alaiturikan  
 Adimentua,  
 Zeruronz jaso nuen berriro  
 Nere burua,  
 Begiratzeko, len Larramendi  
 Zegon lekua,  
 Non bera nuen ikusi, lañoz  
 Inguratua.

Orduan bai zan ezagututzen  
 Zure gloriya,  
 Zuk irabazi zenduen omen  
 Ezillgarriya:  
 Orduan ¡bai! zan ikusten ongi  
 Zerala aundiya,  
 Zerala, benaz, Zeru-goiyetan  
 Tzar argiya.

¿Nork, aurkez, dio begiratutzen  
 Eguzkiyari,  
 Izar guztiyen nagusi eta  
 Erregeari?...  
 Doi au, bakarrik eman zitzayon  
 Arranoari,  
 Goyan kabiya duen egazti  
 Goiantiyari.<sup>3</sup>

¿Nola diogu begiratuko,  
 Modu berean,  
 Umant ezillkor argitsuari,  
 Dagoenean  
 Zeru goiyetan, aurkizarrezko<sup>4</sup>  
 Koroi-tartean,  
 Baldin bagaude gu, loturikan,  
 Emen lurrean?

(1) Espacio.  
 (2) Aroma.

(3) Gigante.  
 (4) Astro.

Orregatikan jarri zituen  
 Jaun Jaungoikuak,  
 Eguzkiyaren inguruetan  
 Laño trinkuak:  
 Orregatikan, umanten jiran  
 Airge <sup>1</sup> goitsuak,  
 Ederki kanta zuen bezela  
 Milton itsuak.

¡Ozenbat Limant ageri ziran  
 Laño-tartean,  
 Aita Manuel arkitzen zala  
 Danen gañean,  
 Nola eguzkiya izarrez-goitik  
 Zeru-urdiñean,  
 Nola larrosa, lore danez gañ  
 Zelai batean!

An zegon Humboldt; an Mendibu-  
 An Astarloa; (ru;  
 An Mogeltarrak; an Kardaberaz  
 Ernanikoa:  
 Danak an zeuden, doanditurik<sup>2</sup>  
 Euskal-mintzoa;  
 Larramendi zan, baña, danetan  
 Goyenekoak.

Larramendi zan beste guztiyen  
 Aitalenena;  
 Larramendiren jarlekua zan  
 Goyen-goyena;

Larramendiren omen-sariya  
 Zurgarriyena;<sup>3</sup>  
 Berák eskuan zedukan luma  
 Danik onena.

Larramendiri zioten danak  
 Jartzen koroa,  
 Beti-lorakin <sup>4</sup> aingeruchóak  
 Egintakoa:  
 Larramendiri kantatzen danak  
 Kanta gozoa,  
 Esanaz bera zala guztiyen  
 Gañ-gañekoak.

Etorri ziran Zeruetatik  
 Aingeruchoak,  
 Kantatzen dokant<sup>5</sup> miragarriyak,  
 Otseztizkoak;  
 Guztiyak jotzen zituztelarik  
 Arpa gozoak  
 Eta zutela dana lurrintzen  
 Beren egoak.

Ta Larramendi guztiyen buru  
 Zutelarikan,  
 Igarotzean, lañoak argiz  
 Apaindurikan,  
 Joan ziran danak Paradisura,  
 Kantaturikan,  
 ¡Eta ni béean gelditu nitzan,  
 Gogaldurikan!<sup>6</sup>

KARMELO ECHEGARAY-KOAK.

(1) Tiniebla.— (2) Alabar.— (3) Admirable.— (4) Siempreviva.— (5) Himno.  
 (6) Embelesar.